



CONVENIO PARA CONCESIÓN DUNHA SUBVENCIÓN DIRECTA ENTRE A AXENCIA GALEGA DE DESENVOLVEMENTO RURAL E O CONCELLO DE CUALEDRO PARA O PROXECTO SENLLEIRO DE REHABILITACIÓN E POSTA EN VALOR DA RUTA DOS MUÍÑOS DAS MERCEDES NA CATEGORÍA DE "PROMOCIÓN E POSTA EN VALOR DO PATRIMONIO HISTÓRICO DA COMARCA."

Santiago de Compostela, na data da sinatura electrónica.

REUNIDOS

Dunha parte, Dna. María José Gómez Rodríguez, conselleira do Medio Rural, en virtude do seu nomeamento polo Decreto 44/2024, do 14 de abril, polo que se nomean os titulares das consellerías da Xunta de Galicia (DOG núm. 73, do 14 de abril), na súa condición de presidenta da Axencia Galega de Desenvolvemento Rural, CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, D. Luciano Rivero Cuquejo, na súa condición de alcalde do Concello de Cualedro, segundo o disposto no artigo 61 da Lei 5/1997, da administración local de Galicia, do artigo 21 da Lei 7/1985, do 2 de abril, reguladora das bases do réxime local, e do artigo 24 do Real decreto lexislativo 781/1986, do 18 de abril, do texto refundido das disposicións legais vixentes en materia de réxime local.

Ámbalas partes teñen plena capacidade para levar adiante este convenio e,





EXPOÑEN

Primerio.- Que ambas entidades son conscientes da necesidade de favorecer as condicións e o entorno para a mellora da calidade de vida da poboación que permitan por un lado unha adecuada oferta no ámbito do ocio, o deporte, a cultura, e/ou sectores produtivos e permitan así mesmo unha boa gama de servizos básicos que permitan a mellora das condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

Segundo.- Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 ten a consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a patrimonio histórico, a vida social, cultural e educativa e os produtos agrolimentarios, xa que as actuacións sobre os ditos ámbitos contribúen a mellorar a calidade de vida e a cohesionar a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.





Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros

(https://agader.xunta.gal/sites/w_pagade/files/documentacion/acordos/2022_04_28_acordo_proxectosenslleiros.pdf), no que conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

Terceiro.- Nos termos previstos na Lei 7/1985, do 2 de abril, de bases do réxime local, o Concello de Cualedro para a xestión dos seus intereses e no ámbito das súas competencias, promove actividades e prestar os servizos públicos que contribúen a satisfacer as necesidades e aspiracións da comunidade veciñal. No ámbito destas competencias, desenvolve todas aquelas funcións que favorezan o desenvolvemento da súa contorna. Por outro lado, o Concello de Cualedro, como entidade máxima da representación do seu territorio debe de ser unha entidade referente na potenciación de actuacións que favorezan ese desenvolvemento.

O 19 de xaneiro de 2024 o concello presentou unha solicitude de colaboración, para a execución das obras de que se trata para o financiamento dun proxecto senlleiro de rehabilitación e posta en valor da ruta dos muíños das Mercedes dentro da categoría "Promoción e posta en valor da patrimonio histórico da comarca".

A finalidade deste proxecto é a realización dunha serie de actuacións de rehabilitación e posta en valor desta ruta dos muíños das Mercedes situada nun entorno natural, no que os muíños inseríronse de tal maneira que poden aproveitar as augas do Río Baldriz e moer os cinco a mesma vez.

Unha das partes importantes que contempla esta posta en valor é a mellora da sinalización existente, tanto para facilitar o acceso aos visitantes que acceden dende a N-525, como posteriormente facilitar información de interese na propia ruta. O mantemento e rehabilitación da ruta, con especial atención aos elementos de madeira; a instalación de mesas informativas no entorno de cada un dos muíños para proporcionar información de distintos aspectos dos mesmos e a conservación e mantemento tanto da estrutura, como da cuberta e dos elementos internos, de cada un dos muíños baixo a supervisión de arqueólogos e de restauradores, procurarán que as labores non desvirtúen as características tradicionais destes muíños.

En consecuencia, as citadas actuacións teñen cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a





vida social no medio rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Preservación dos valores sociais e culturais do medio rural.
- Potenciación de elementos que recuperen ou manteñan a historia e a memoria da comarca.
- Mellora da relación social dos veciños.
- Revalorización de infraestruturas e inmobles desaproveitados.
- Satisfacción de necesidades e aspiracións da veciñanza.
- Fortalecemento do orgullo e satisfacción de pertenza á comunidade rural beneficiaria do proxecto.
- Potenciación de elementos que recuperen ou manteñan a historia e a memoria da comarca.

Cuarto.- De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrência pública para a realización deste tipo de actuación. A necesidade de atender áreas específicas como a promoción e posta en valor do patrimonio histórico da comarca materialízase no uso e goce do mesmo co fin de destinalos a un uso público compatible cos seus elementos así como ofrecer a súa visita como complemento cultural e social.

Neste caso a memoria presentada polo Concello de Cualedro propón a realización de varias actuacións para a rehabilitación e posta en valor da ruta dos muíños das Mercedes. As actuacións propostas están destinadas á conservación, valorización e rehabilitación tanto dos propios elementos como da contorna, buscando conservar e manter a configuración estrutural actual, a envolvente exterior e os seus elementos significativos sen cambio na configuración estrutural nin dos materiais existentes.

Todas estas actuacións facilitarán a preservación dos valores sociais no medio rural o que incentiva a necesidade que ten esta Axencia en potenciar a recuperación do patrimonio histórico, cultural e social que manteñan a historia da comarca nese nexo de encontro veciñal.

A singularidade do proxecto do Concello de Cualedro reside na conservación, valorización, rehabilitación e posta en valor da ruta dos muíños das Mercedes, un espazo singular cun reclamo cultural que mantén a historia do lugar conservando os elementos estruturais propios dos muíños e da contorna.

A subvención directa decídese en base a criterios obxectivos, que foron fixados mediante o Acordo do Consello de Dirección de Agader do 20 de abril de 2022 polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros. En concreto, na regra 3.-





Categorías de proxectos senlleiros, sinala que os proxectos financiados a través do programa deberán pertencer a algunha das categorías seguintes:

A) Promoción e posta en valor do patrimonio histórico da comarca.

Os proxectos senlleiros deste tipo deben reunir algunha das seguintes características:

- a. Realizar a rehabilitación, reconstrución ou recuperación de edificacións, infraestruturas ou espazos públicos singulares, ou por teren un marcado significado histórico para a comarca na que se sitúan, por pertencer a correntes artísticas recoñecidas, co fin de destinalos a un uso público compatible cos seus elementos e características tradicionais, priorizando o seu uso tradicional.

Por outra parte, o citado Acordo do 20 de abril de 2022 sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Concellos

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto presentado polo Concello de Cualedro "Rehabilitación e posta en valor da ruta dos muíños das Mercedes" dentro da categoría de promoción e posta en valor do patrimonio histórico da comarca, cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguintes





CLÁUSULAS

PRIMEIRA.- Obxecto e actuacións

O obxecto do presente convenio é o financiamento da memoria técnica presentada polo Concello de Cualedro para a rehabilitación e posta en valor da ruta dos muíños das Mercedes como proxecto senlleiro na categoría promoción e posta en valor da patrimonio histórico da comarca dentro do Programa de Proxectos Senlleiros da Axencia Galega de Desenvolvemento Rural.

SEGUNDA.- Actuacións a realizar

As actuacións contempladas na memoria técnica presentada polo concello son, en síntese, as seguintes:

- **Muíño do Aleixo**
É preciso repasar a súa cuberta por un desprazamento das lousas que provoca que a auga da choiva percole a través da cumieira, así como se deberá proceder a pequenas reparacións do muro exterior e da canle de acceso. Nos elementos que forman o muíño atópanse parcialmente restaurados, co problema que algúns deles como a rella foron retirados de outro muíño, polo que se considera interesante que ditos elementos recuperen a súa localización orixinal.
- **Muíño do Tío Serafín**
As inundacións recentes causaron desprazamentos das lousas da cuberta así como o derrubamento de pequenos treitos dos muros da canle de acceso e do propio acceso. Así, debido a entrada de auga pola cuberta atópase que entre unha quinta e unha cuarta parte dos elementos de madeira do tellado deben ser substituídos. Os elementos que forman parte do muíño deberán restaurarse debidamente para garantir que non se produza máis deterioro.
- **Muíño do Tío Mateo**
O muíño conta con pequenos problemas na cuberta causados polos desprazamentos das lousas da cuberta que xerou pingadas en elementos estruturais de madeira, co conseguinte deterioro. Así, debido a entrada de auga pola cuberta atópase que entre unha terceira e a metade dos elementos de madeira do tellado deben ser substituídos. Os elementos que forman parte do muíño deberán restaurarse debidamente para garantir que non se produza mais deterioro, entre elas o regulador de velocidade ou a rexa.





- **Muíño do Tío Berto**

A cuberta ten importantes problemas que fan que se deba realizar labores de mantemento importante que poden implicar o desmontaxe completo da cuberta para a súa restauración coa correspondente substitución dos elementos mais danados, que só poderan ser valorados unha vez desmontados. Os elementos que forman parte do muíño deberán restaurarse debidamente para garantir que non se produza mais deterioro.

- **Muíño do Tío Luís**

As inundacións recentes que causaron desprazamentos das lousas da cuberta así como o derrubamento de pequenos treitos dos muros da canle de acceso e do propio acceso. Así, debido a entrada de auga pola cuberta atópase que entre unha quinta e unha cuarta parte dos elementos de madeira do tellado deben ser substituídos. Os elementos que forman parte do muíño deberán restaurarse debidamente para garantir que non se produza mais deterioro.

Ao abeiro do presente convenio considéranse actuacións subvencionables os investimentos e gastos realizados polo beneficiario que se detallan no Anexo I "Orzamento desglosado e descrición por partidas" de este convenio e cumbran as condicións que se detallan na memoria técnica presentada.

TERCEIRA.- Obrigas do Concello de Cualedro

O Concello de Cualedro comprométese a facer constar en toda a publicidade -tanto impresa como audiovisual- a colaboración da Axencia e a Xunta de Galicia, para o que utilizará a normativa da imaxe corporativa da propia da Axencia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

O beneficiario deberá dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á





Intervención Xeral da Comunidade Autónoma, ao Tribunal de Contas e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o Concello de Cualedro cumpra co deber de remisión ao Consello de Contas das contas xerais de cada exercicio

O Concello de Cualedro deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización a Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

O Concello de Cualedro comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. A Axencia poderá comprobar, cando o considere pertinente, a execución das actividades obxecto deste convenio.

CUARTA.- Financiamento

O gasto total das actuacións de "Rehabilitación e posta en valor da ruta dos muíños das Mercedes " a desenvolver polo beneficiario no marco deste convenio, ascende a noventa e seis mil euros (96.000,00 €), para o período 2024.

Para o desenvolvemento desas actuacións, a Axencia Galega de Desenvolvemento Rural concede ao Concello de Cualedro unha subvención directa a fondo perdido por un importe de 96.000,00 euros para a anualidade 2024.





A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2024, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 14.A1.712A.760.0 dos orzamentos xerais da Comunidade Autónoma de Galicia para o ano 2024 , código de proxecto 2017-00003.-"Actuacións senlleiras de mellora do patrimonio rural".		TOTAL
Importe	2024	96.000,00 €
	96.000,00 €	

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do Decreto 193/2011, do 6 de outubro, pola que se regulan especialidades nas subvencións ás entidades locais galegas, a Axencia poderá efectuar pagos anticipados, que suporán a entrega de fondos con carácter previo á xustificación, ata un importe máximo do 50% da cantidade total subvencionada. Este anticipo non poderá superar o importe previsto para cada anualidade. A concesión do anticipo farase mediante resolución motivada.





O pagamento restante realizarase no momento da completa xustificación polo Concello de Cualedro do cumprimento da finalidade e demais condicións establecidas no convenio.

O Concello de Cualedro tamén poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 76.800,00 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros, as administracións públicas.

No caso de que o Concello de Cualedro solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións por un importe total previsto de 96.000,00 € IVE incluído.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño, e de acordo co previsto no Decreto 193/2011, do 6 de outubro, polo que se regulan especialidades en subvencións ás entidades locais galegas. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% rematará o 02.12.2024 sen prexuízo de que as actividades subvencionadas sexan as executadas a partires do 01 de xaneiro de 2024.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.





A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>, e incluírá a seguinte documentación:

- Certificación expedida pola Secretaría da entidade co visto e prace da persoa titular da alcaldía, relativa á aprobación polo órgano competente da conta xustificativa da subvención, na que se faga constar de forma detallada:
 - O cumprimento da finalidade da subvención.
 - Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acreedor/a, número de factura ou documento equivalente, importe, data de emisión e data de recoñecemento da obriga polo órgano competente.
- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- Certificación ou informe da persoa titular da Secretaría ou da Intervención da entidade local ou, de ser o caso, do/da empregado/a público/a que, de acordo coa estrutura organizativa do concello, teña atribuída as competencias en materia de contratación pública, acreditativo de que o procedemento de contratación se tramitou nos termos previstos na normativa de contratación do sector público, e con indicación do procedemento seguido para a contratación das obras subvencionadas.
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Declaración que conteña unha relación detallada doutras subvencións, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Permisos, licenzas e autorizacións que resulten preceptivos segundo a lexislación vixente.
- De ser preciso, informe preceptivo de autorización da Dirección xeral de Patrimonio Cultural de tratarse de elementos catalogados obxecto de protección así como do organismo competente en materia de augas e da Dirección xeral de Patrimonio Natural.





- Acta de recepción.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, e devolverase toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia.

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e na Lei 9/2017, de 8 de novembro, de contratos do sector público.

No caso de que o Concello de Cualedro non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

SEXTA.- Compromiso de participación das mulleres.

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

SÉTIMA.- Causas de resolución

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.





OITAVA.- Publicidade

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, o Concello de Cualedro acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Así mesmo será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.

DÉCIMA.- Vixencia

O período de vixencia deste convenio será dende a súa sinatura e ata o 2 de decembro de 2024, sen prexuízo de que as actividades subvencionadas sexan as executadas a partires do 01 de xaneiro de 2024.





DECIMO PRIMEIRA.- Comisión de seguimento

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado polo Concello de Cualedro e un representante designado pola Axencia Galega de Desenvolvemento Rural.

DECIMO SEGUNDA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica).

Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade de canto antecede, asinan o presente convenio no lugar e data arriba indicado.

María José Gómez Rodríguez,
(P.D. Acordo do Consello de
Dirección do 21.07.2021)

Luciano Rivero Cuquejo

Presidenta da Axencia Galega de
Desenvolvemento Rural

Alcalde do Concello de
Cualedro





ANEXO I

- Orzamento desglosado

ORZAMENTO			
Nº	Descrición dos capítulos	%	Importe
01	Sinalización estrada N-525 - As Mercedes	3,52	2.346,92 €
02	Actuacións no Camiño da Ruta dos Muíños	18,83	12.555,48 €
03	Actuacións de Rehabilitación dos Muíños	65,00	43.338,89 €
04	Asistencia técnica	12,64	8.430,00 €
Orzamento de execución material			66.671,29 €
Gastos xerais 13%			8.667,27 €
Beneficio industrial 6%			4.000,28 €
Total orzamento contrata sen IVE			79.338,84 €
I.V.E 21%			16.661,16 €
Total orzamento contrata con IVE			96.000,00 €

- Descrición por partidas

Capítulo	Descrición	Cantidade	Prezo	Importe
1 Sinalización estrada N-525 - As Mercedes 2.346,92 €	Sinal orientativa refl 40x70 cm	4,00 ud	188,63 €	754,52 €
	Reaproveitamento sinal informativa tipo CN-00	2,00 ud	796,20 €	1.592,40 €
REHABILITACIÓN DA RUTA DOS MUIÑOS DAS MERCEDES				
2 Actuacións no Camiño da Ruta dos Muíños 12.555,48 €	Actuacións no Camiño da Ruta dos Muíños			
	Desbroce e limpeza manual con densidade media	696,23 m ²	1,01 €	703,19 €
	Acondicionamiento manual de senda	612,10 m ²	1,38 €	844,70 €
	Varanda dobre postes de madeira dia 12/10 cm inst	78,00 m	44,78 €	3.492,84 €
	Pavimento madeira piñeiro 195x45 mm exteriores	12,00 m ²	60,67 €	728,04 €
	Tratamento xilófago pincelado mad vella	4,20 m ³	179,52 €	753,98 €
	Solado con lousa de	9,60 m ²	63,59 €	610,46 €





	pedra granítica ou caliza				
	Sinal direccional tipo CN-03, instalada	6,00 ud	253,37 €	1.520,22 €	
	Mesa temática tipo CN-10, instalada	5,00 ud	780,41 €	3.902,05 €	
	Muíño do Aleixo				
3 Actuacións de Rehabilitación dos Muíños 43.338,89 €	Desbroce e limpeza manual con densidade alta	128,50 m ²	1,83 €	235,16 €	
	Limpeza fabrica cachotería en seco c/r	64,50 m ²	12,38 €	798,51 €	
	Muro pedra natural xunta seca	10,50 m ²	122,00 €	1.281,00 €	
	Desmontaxe cuberta de pizarra a man	19,50 m ²	6,67 €	130,07 €	
	Desmontaxe entaboadado cuberta	19,50 m ²	5,96 €	116,22 €	
	Desmontaxe armazón de cuberta madeira a man	4,88 m ²	21,00 €	102,48 €	
	Cabio madeir carballo 7x10 cm	8,00 m	30,17 €	241,36 €	
	Entaboadado cuberta carballo 120x30 mm	19,50 m ²	76,02 €	1.482,39 €	
	Cuberta lousa irregular 1 cm	19,50 m ²	34,66 €	675,87 €	
	Tratamento xilófago pincelado mad vella	2,60 m ³	179,52 €	466,75 €	
	Rehabilitación de pezas de muíño. Muíño do Aleixo	1,00 PA	1.550,00 €	1.550,00 €	
		Muíño do Tío Serafín			
		Desbroce e limpeza manual con densidade alta	15,00 m ²	1,83 €	27,45 €
		Limpeza fabrica cachotería en seco c/r	106,75 m ²	12,38 €	1.321,57 €
		Muro pedra natural xunta seca	15,00 m ²	122,00 €	1.830,00 €
		Desmontaxe cuberta de pizarra a man	24,75 m ²	6,67 €	165,08 €
		Desmontaxe entaboadado cuberta	24,75 m ²	5,96 €	147,51 €
	Desmontaxe armazón de cuberta madeira a man	7,43 m ²	21,00 €	156,03 €	
	Cabio madeir carballo 7x10 cm	15,00 m	30,17 €	452,55 €	
	Entaboadado cuberta	24,75 m ²	76,02 €	1.881,50 €	





carballo 120x30 mm			
Cuberta lousa irregular 1 cm	24,75 m ²	34,66 €	857,84 €
Tratamento xilóf pincelado mad vella	3,51 m ³	179,52 €	630,12 €
Rehabilitación de pezas de muíño. Muíño do Aleixo	1,00 Pa	2.245,00 €	2.245,00 €
Muíño do Tío Mateo			
Desbroce e limpeza manual con densidade alta	130,00 m ²	1,83 €	237,90 €
Limpeza fabrica cachotería en seco c/r	59,75 m ²	12,38 €	739,71 €
Muro pedra natural xunta seca	1,00 m ²	122,00 €	122,00 €
Desmontaxe cuberta de pizarra a man	31,75 m ²	6,67 €	211,77 €
Desmontaxe entaboado cuberta	31,75 m ²	5,96 €	189,23 €
Desmontaxe armazón de cuberta madeira a man	15,88 m ²	21,00 €	333,48 €
Cabio madeir carballo 7x10 cm	30,00 m	30,17 €	905,10 €
Entaboado cuberta carballo 120x30 mm	31,75 m ²	76,02 €	2.413,64 €
Cuberta lousa irregular 1 cm	31,75 m ²	34,66 €	1.100,46 €
Trat xilóf pincelado mad vella	3,76 m ³	179,52 €	675,00 €
Rehabilitación de pezas do muíño. Muíño Tío Mateo	1,00 Pa	3.060,00 €	3.060,00 €
Muíño do Tío Berto			
Desbroce e limpeza manual con densidade alta	150,00 m ²	1,83 €	274,50 €
Limpeza fabrica cachotería en seco c/r	55,25 m ²	12,38 €	684,00 €
Muro pedra natural xunta seca	2,50 m ²	122,00 €	305,00 €
Desmontaxe cuberta de pizarra a man	29,50 m ²	6,67 €	196,77 €
Desmontaxe entaboado cuberta	29,50 m ²	5,96 €	175,82 €
Desmontaxe armazón de cuberta madeira a man	29,50 m ²	21,00 €	619,50 €





	Cabio madeir carballo 7x10 cm	24,00 m	30,17 €	724,08 €
	Entaboado cuberta carballo 120x30 mm	29,50 m ²	76,02 €	2.242,59 €
	Cuberta lousa irregular 1 cm	29,50 m ²	34,66 €	1.022,47 €
	Tratamento xilóf pincelado mad vella	1,00 m ³	179,52 €	179,52 €
	Rehabilitación de pezas do muíño. Muíño Tío Berto	1,00 Pa	2.295,00 €	2.295,00 €
	Muíño do Tío Luís			
	Desbroce e limpeza manual con densidade alta	155,00 m ²	1,83 €	283,65 €
	Limpeza fabrica cachotería en seco c/r	59,25 m ²	12,38 €	733,52 €
	Desmontaxe cuberta de pizarra a man	29,95 m ²	6,67 €	199,77 €
	Desmontaxe entaboado cuberta	29,95 m ²	5,96 €	178,50 €
	Demontaxe armazón de cuberta madeira a man	14,98 m ²	21,00 €	314,58 €
	Cabio madeira carballo 7x10 cm	16,00 m	30,17 €	482,72 €
	Entaboado cuberta carballo 120x30 mm	29,95 m ²	76,02 €	2.276,80 €
	Cuberta lousa irregular 1 cm	29,95 m ²	34,66 €	1.038,07 €
	Tratamento xilófogo pincelado mad vella	2,55 m ³	179,52 €	457,78 €
	Rehabilitación de pezas do muíño. Muíño Tío Luis	1,00 Pa	1.871,50 €	1.871,50 €
4 Asistencia técnica	Asistencia técnica de Arqueólogo	1,00 PA	4.630,00 €	4.630,00 €
8.430,00 €	Asistencia técnica de Restaurador	1,00 PA	3.800,00 €	3.800,00 €

